



REKRUTTERING: Det vert stadig færre skiløparar i krinsen. Her fra Ørnarstafetten, 2019.

FOTO: STINE STRAND CARLSEN

Slik skal skikrinsen få opp rekryttinga

Johan Børshem og Hordaland skikrets har planane klare for å stoppa rekryttingssvikten.

► **Ørjan Brattetveit**
obr@avisa-hordaland.no

– Utviklinga i skisporten er urovekkjande. No håpar me å snu den negative rekryttingstrenden, seier Johan Børshem, leiar i Hordaland skikrets. Han understrekar at å få opp talet på breidda i skisporten er jobb nummer ein for Hordaland skikrets framover. Han har teke initiativ til arbeidet som no startar for fullt.

Rekryttingeskvelde på Voss

Krinsen skal støtta klubbane ute i lokalmiljøa. Derfor har ein lagt opp til rekryttingeskveldar i heile distriktet.

– Me har lyst til å besøka alle klubbane som driv med skianaktivitet i Hordaland. Me deler krinsen opp i naturlege soner, og me startar med Odda og Hardanger, seier Børshem. I Odda går startskotet tysdag 20. oktober. Sidan går turen til Kvam og Bergen, før Voss står på kalenderen 29. oktober.

Det er administrasjons-

sjef Bernt Rusten i Hordaland skikrets som er ansvarleg for gjennomføringa av rekryttingeskveldane.

– Me skal bli kjende med klubbanne. Og gje dei hjelpe til klubbutvikling. Dei må tenkja på kvar klubben står no, og kvar ein ynskjer å vera. Og så kartleggja kva som skal til for å nå desse måla. Me i krinsen kan då vera med å hjelpe klubbanne å jobba fram mot måla.

På rekryttingeskveldane vert det også økter for utøvarane.

– På Voss skal me samarbeida med Voss gymnas. Me er ikkje heilt i mål med treningsopplegget for kvelden på Voss enno, seier Rusten.

– Me vil også utfordra klubbanne til å sjå på kva dei kan gjera annleis for å auka rekryttinga. Målet er at flest mogleg skal ha det kjekt på ski over tid, seier Børshem.

Livslang glede

Spesialisering i tidleg alder og utstyrsgjag er tema som engasjerer Johan Børshem spesielt.

– Mange foreldre vert skeptiske når det vert for mykje press på resultat og på dyrt utstyr. Ein ser at dei som spesialiserer seg for tidleg og satsar for fullt på å vinna i 13-årsalderen, sjeldan er dei som vert gode som seniorløparar. Allsidig trening og mykje moro er viktig, seier Børshem, som meiner

altfor mange unge gjev seg for tidleg med idretten.

– Me ser at dei som er aktive til etter dei er 13 år får ei livslang glede av skisporten. Det er godt for folkehelsa.

Halvering i nordiske greiner

Hordaland har gjennom fleire artiklar tidlegare i år sett økning i aktiviteten i skisporten i medaljebygda. Her kom det mellom anna fram at medlemstala innan nordiske greiner i Voss IL i aldersgruppa 6 til 19 år er halverte sidan 2012. Sesongen 2019/2020 var det 122 aktive langrennsløparar i Voss IL i alderen fra 6 til 19 år. Ved utgangen av 2019 var det 58 utøvarar. Tala for hopp/kombinert og alpint er også dystre, og i Kari Traa si heimbygd er det knapt ein einaste kulekøyrar igjen.

Satsa i Bergen

– Me skal satsa sterkare i Bergen, seier Johan Børshem. Han er oppteken av at fleire lågterskelanlegg må leggjast der det bur mest folk.

– Fløien, Totland og Gullbotn er satsingsområde i Bergen. Me har fått hoppbakkar og leikeområde klare. Men i Bergen treng me kunstsno og rulleski-løyper. Me jobbar godt saman med m.a. Bergen kommune og klubbane i byen om dette.



SNU TRENDEN: Leiar i Hordaland skikrets, Johan Børshem, Ulvik IL satsar på å snu den negative rekryttingstrenden.

FOTO: SIGRID SEIM

Logical Cosmic på tredje

► **TRAV:** Resultata var på det jamne for vossahestane sundag på travparken. Logical Cosmic til Lars Lekve var best av våre med 3. premie i 6. løpet, og fekk 5000 i premie. Her vart Cavaca til Stall Blå-Bær ved Jostein Finne nr 4, premien vart 3500 kroner. I 1. løpet fekk Super Strong 5. premie, eigarane i Stall Strongest There is fekk 3500 inn på hesten sin konto. I 4. løpet enda både Timona Ø.K. og Tilde Ø.K. uplasserte. Bjørketora til Jostein Finne fekk 4. premie i 5. løpet, premien vart 3500 kroner. Her enda Bovis Maija og Lustra Hera uplasserte.